

meine Kriegsfahnen werden wider an die Stangen gebunden werden. Gleich wie aber in einem Menschlichen Leibe / welcher kaum von der Kranckheit genesen / vnd alsbald wiederumb drein fället / hernacher in grösser Gefahr stehet als zuvor: Also ist auch dasjenige kriegen sorgfältig / wo safft vnd krafft Gelt vnd Gut von Land vnd Leuten schon erschöpffet vnd ausgezogen ist.

Was nun insonderheit den Martem anlanget / siehet derselbe im Januario sehr schwach / welche schwachheit er auch behelt / bis auff den 25 April / da er dann etwas mächtiger wird / zu solcher zeit werden viel Friedens Mittel vor die Hand genommen werden / vmb den 2. 4. 5. Januarius wo nur etliche zänckische vnd Streitsüchtige Köpffe würden zu bewegen seyn / vnder des aber / werden die Gelährten ihr Federn hefftig wider eiander spizen / wie solches vmb den 5 vnd 21 Januar: wird erfahren werden.

Zu End des alten Januarius / Wollen die so vnder der Wag ligen / ihrer war nemen / das ihnen nicht traurige Post nach Haus komme.

Vmb den anfang des Februarij / wirdt vermuthlich alles still seyn. Die Gelärten werden ihr Feder einwenig besents legen / welche sie doch bald wieder vnderhänden nemen werden / nemlich vmb den 27 Februar: 15 Martij vnd 1 May / da dann vnruhige Blasbelge nichts feyren werden / das kann ein mal vertuschte Züncklein wiederumb auffzublasen.

Vmb den 12. 22. Februarij / vnd 15 Junij läst sich ein Schein freundschaft vermercken / da mancher durch gute wort / auß einem falschen Herzen den andern / hinder das Liecht zufüren wirdt gesinnet seyn / das es wol auffsehens gelten vnd heissen wird / Frau / Schau wem. Vmb den 11 Martij / werden die Soldaten / sich wiederumb ins Feld machen wollen / aber ihr verrichtung / ist zumal schlimm vnd vnfräfftig.

Inmittels kompt der Jupiter inn die Bische / vnd über wenig tage trigonirt er sich mit dem Saturno / zu welcher zeit man gute Zeitung hören vnd erfahren wirdt. Das also das liebe gestirn / wo es ohn unsere Sünd vnd Bosheit were / vns den lieben Friden gerne wünschen vnd gönnen wolte.

Aber der 28 April ist höchlich darwider / der Türcke als der Erbfeind Christliche Gmüths vnd Geblüts wirdt erhiket vnd auffgemanet /  
werden.